

1. Supply Minister Pu B. Lalchhanzovan Aizawl Edentharr veng BSUP a tlawh a, mirethei chanvo chang ve lo leh, mahni chanvo lo tur la te an awm tih a hmu.
2. Vawiin khan Tuipui Junction leh North Khawbung inkar kawngah dan lova kuhva tawlh ruk trip 17 Khawzawl Police ten an man.
3. Kolkatta-a Doctor pawngsual leh thah anih avanga rampumah doctor te leh medical zirlaite nawrhna avangin mipuiten harsatna an tawk.
4. Prime Minister Narendra Modia chuan khawvel chhim lam ramte Global South te chu chak taka an awm theih nan hruikhat vuana kal turin a chah.

<><><>

SUPPLY MINISTER

Food Civil Supplies & Consumer Affairs Minister Pu B. Lalchhanzova chuan Aizawl Edentharr veng a Basic Service to Urban Poor (BSUP) a awmte tlawhin mirethei chenna in BSUP-a cheng mek thenkhat ration Card Eng leh Card Pawl a awm ngei tur awm si lote a tlawh a. BSUP-a cheng zingah Card Var nei an lo la awm tih a hmu a, hei hi pawl a tih thu sawiin, miretheite chanvo/ quota buhfai manlo a sem te mirethei awmkhawmna BSUP-a awmte zingah chang ve lo an awm chu thil pawl tak a ni a ti.

BSUP-a chengten hmun hla tak takah ration an khul thin pawh an kawtkai ngeia ration an khul theih nan hmalak a ni ang a ti bawh.

Pu Lalchhanzova sawi danin, Card Eng leh Card Pawl a awmlo tur awm mek te, dinhmun thaa dingte Card Vara thiar chhuak turin hmalak mek a ni a, Aizawl Municipal Area-a Card en that mek hi mipui hmuh theih turin Veng tinah tarchhuah a ni ang a, complaint duhte tan complaint theih hun hawn a ni ang .

<><><>

AMC

Aizawl Municipal Corporation (AMC) hnuaiha kum 2018 atanga kumin thlengin insakna license dil 15681 an awm a, 14236 dilna chu pawm a ni a 86 te chu hnawl an ni.

AMC hotute sawi danin, insakna license hnawl te hi drawing dik theihloh avang te, ram in thua avangte leh mahni inhnuk dawh avangte an nih thu an sawi a. Insakna license dil 1331 te chu uluk taka enfiah mek an nih thu an sawi bawh. Hei bakah hian AMC hotute chuan kumin chhungin dawh kai license dil mi 2130 an awm thu an sawi a, license renew 1471 awmin an vaiin 3601 an ni.

<><><>

HOME MINISTER

Home Minister Pu K. Sapdangan Hnahthiala Police SP leh Fire hmunhmate tukin khan enfiahin lei min na hmun leh bawhlawh paihna hmun te a enfiah nghal bawh. Minister hi Hnahthial bialtu MLA Pu Jeje Lalpekhluan a tawiawm a ni.

Home Minister hian Police leh Fire ramte a tlawh hnu hian Saithah kawnga bawhlawh paihna leh KVK Farm kawnga Hnahthial bawhlawh paihna hmuhmate chu thlithlaiin felfai zawka bawhlawh tih riral a nih theih dan tur bakah mipuite tana hnawksak lo leh ram leilung tana pawl lo tura bawhlawh paih dan turte chu a hmunah officials ho nen an en ho bawh a. Hemi hnu hian leiminna hmun hrang hrang a tlawh a ni.

<><><>

KUHVA SMUGGLING

Vawiin khan Tuipui Junction leh North Khawbung inkar kawngah dan lova kuhva tawlh ruk trip 17 chu ASI Pu C. Lalremkima, Khawzawl Police Station leh a team ten an man a, kuhva rah man zawng zawng hi bag 503 niin cheng vbc 1 nuai 16 man hu vel man a ni.

Kan ocr thudawn danin, heng kuhva man te hi Khawzawl Deputy Commissioner, Pu K. Vanlalthiana leh Khawzawl Superintendent of Police, Pu Lalchhuanthanga ten enfiahin hmalak dan turte sawi ho a ni a, Khawzawl Police Station - ah kuhva rah man hi chhui zui tura dah niin, District Magistrate hnenah thawn tum a ni.

<><><>

ADVISER TO CM

Adviser to CM Pu H. Ginzalala, Champhai North bialtu ni bawh hovin vawiin khan Champhai District leh Champhai North Assembly Constituency huamchhunga hmasawna ruhrel din tumna hmun te en a. Champhai Bawrhsap Pu VL Remliana, Khawzawl Bawrhsap Pu Vanlalthiana, sawrkar department aiawhte leh khawtlang hruaitute an tel a ni.

He hunah hian Champhai Khankawn Police Checkgate bula Soil Bank siamna tur leh NH-06 Tuipui - Tuimuk inkara Center of Excellence Recreational Center, Cold Storage leh bazar changtlung tak awm kawp theihna tur hmunhma te enfiah a ni.

Pu Ginzalala chuan ram leilung tichhe tlem zawnga hmasawna hna kalpui a pawimawh thu sawiin, hna tak tak thawh tan hmain Soil Bank mumal tak ruahman lawk a tul a ni, a ti a. Khankawn Police Check-Gate bul ruam dawl zawl a nih chuan, Champhai khawpuiin kawtchhuah nuam zawk a nei ang a mipui mai bakah dan leh thupek kengkawhtute tan pawh awlsamna a thlen dawn a ni, a ti. Adviser to CM hian Champhai khawpui veta Circular Ring-Road siam a nih hunah Khankawn Soil Bank chu tangkai taka hman theih a beisei thu a sawi bawh.

NH-06 Tuimuk leh Tuipui inkar, Neihdawn ram chhunga Center of Excellence Recreational Center, Cold Storage leh bazar changtlung tak din tumna hmun pawh enfiah a ni a. Neihdawn khua atanga NH-06 pawh tur Link Road laih a, kuthnathawktute inphochhuahna tur leh khualzinte tlawh chhenfakawm tak hmunhma din tumna ruahmanna siam mek a nih thu a sawi.

<><><>

SERCHHIP

Serchhip YMA Sub hqrs hnuai Anti Drug squad leh branch YMA hruaitu thenkhatten ruihlo kaihhnawih man changa thuhretu a tan buaithlak an tih thu an sawi a,

Hemi chungchang hi vawiin chhuna Sub hqrs executive thutkhawm, an President Pu Kawlthuama kaihhruaiah an ngaihtuah a. u Excise enforcement leh Police ten ruihlo zuar te an manin hriatpuitu an ni thin a. He thubuai hi Dist & Session judge awmna Aizawlah ngaihtuah a ngai thin a. A kal man an dawn tur an dawn theih mai thin loh avangin, witness a tan reng a harsat tak thu an sawi a. Chief Minister leh Law Minister ah emaw, Court lam thuneitute hnenah emaw sawi nise, witness tanna kal man pawisa hi tun ang renga dawn a harsa a nih chuan la ngaihtuah nawn leh nise an ti.

Hei bakah hian Mizoram Gorkha ten OBC status an beisei mekah, Central YMA hmalakna an thlawp tlat thu pawh sawiin, YMA Rorel inkhawmpui agenda tur an sawi ho zingah ruihlo do kawnga chak zawka hmalak rawtna te, VC term kum 5 kum 3 titawi tura hmalak rawtna te, Fa nei tam tura hmalak rawtna leh, NHIDCL te kawng siam chhe lutuk siamtha leh tura nawr zui rawtna te pawh a tel a. Raltlan te khuahkhirh dan tur leh tui hna humhalh kawngah hma lak dan tur an duang bawh.

<><><>

LUNGLEI

Ruahsur nasat avanga Lunglei leh Tlabung inkar, NH 302 kawngpui a chhiat avangin, Tlabung leh Lunglei inkar a tlan Maxi Cab te an chawl lailawh. Hetih lai hian Lunglei leh Lungsen khaw inkara tlan Sumo ho pawh chawlh tur tih awm lo mahse kawng chhiat avang hian tlan lo leh chawl an awm nual. Thu dawna in a tarlan danin, kawng chhiat zualna hi Hauruang leh Phairuangkai khaw inkar kawng a ni. Tun dinhmuna kawng chhiat avangin Maxi cab te chawlh mahse ei leh barah harsatna lutuk erawh thlang a la awm rih lo a ni.

<><><>

BLOOD DONATION

Mizoram Gorkha Youth Association (Central) te chuan an pawl din champha pualin vawiin khan Aizawl Gorkha School Complexah Thisen Pek Runpui an buatsaiha, Gorkha thalai mi 87 in thisen an pe.

MGYA hian kumtin August thlaah Thisen Pek Runpui an buatsaih thin a, an buatsaih chhan hi Mizoram tan an pawl din hriatreng nan an ti thin tih MGYA hruaitu pakhat chuan a sawi.

Champhai Health & Sanitation Sub-Committee hmalaknain vawiin khan Hnahlan leh a chhehvel a Branch hrang hrang YMA Member te chuan Champhai District Hospital a damlo leh a mamawh apiangten hman turin Hnahlan Community Hall-ah thisen an pe bawh a.

He hunah hian mi 115 in thisen an pe a, thisen petute hi mipa 113 leh hmeichhia 2 an ni a, Champhai Sub-Hqrs.YMA hnuai nikhat thil thua thisen pek tam ber tum a ni.

<><><>

DOCTOR STRIKE

Kolkatta-a Nurse pawngsual leh thah anih avanga rampumah doctor te leh medical zirlaite nawrhna avangin mipuiten harsatna an tawk.

Delhi ah chuan Ram Manohar Lohia Hospital leh Lady Hardinge Medical College hospital te chuan nawrh hi an zawm ve a. All India Institute of Medical Sciences, Delhi-a thawktute pawhin an zawm ve bawk a ni.

Biharah pawh mipuiten harsatna an tawh phah nasa hle a. Patna Medial College and Hospital te, Nalanda Medical College and Hospital leh Indira Gandhi Institute of Medical Sciences Patna ahte emergency leh OPD khar a ni a. Damdawiin tam takah damlo zai ngai tam tak chu tikhawtlai anih phah bawk a ni.

Zoram Medical College (ZMC) zirlaite chuan Kolkata RG Kar Medical College & Hospital-a Post Graduate zirlai, hmeichhia rawng taka pawngsual leh thah a nih duh loh lantir nan, nizan khan bati chhi chungin kawng an zawh.

Kawng zawh hi Zoram Medical College Students Union kaihhraina a neih a ni a. Medical zirlaite chuan Registration Counter atanga Academic Block thleng kawng zawhin hemi zawh hian sunna hun an hmang a, a tuartu chhungte tan tawngtaipuina hun leh dik taka rorel a nih theih nan tawngtaina hun te hman a ni. He hunah hian Medical zirlai naupang thahnem tak bakah, internship ti lai leh faculty ten Bati nen kawng hi an zawh a ni.

Puan tawh thin angin August ni 9 khan Kolkata RG Kar Medical College & Hospital-ah Post Graduate zirlai hmeichhia chu rawng taka pawngsual bakah thah a ni a, he thil thleng avang hian Indian Medical Association pawhin thuchhuah a lo siam tawh. Indian Medical Association, Mizoram State Branch pawhin thlawpin, hmeichhia rawng taka pawngsual leh thah a nih duh loh lantir nan hian tukin dar 6 atanga ni 18 zing dar 6 chhung rampum huapin medical service zawng zawng emergency tiam loha nawrh an huaihawt chu an thlawp ve nghal bawk a ni.

Hemi hun chhung hian Mizoram chhunga Damdawi In - sorkar, mimal leh Mission Hospital zawng zawngah Emergency services chauh hawn a ni dawn a, OPD-ah Doctor tumah an thut dawn loh thu thuchhuah an lo siam tawh a ni.

<><><>

GLOBAL SOUTH

Prime Minister Narendra Modia chuan khawvel chhim lam ramte Global South te chu chak taka an awm theih nan hruikhat vuana kal turin a chah. Voice of the Global South virtual summit wawi 3-na a hawnaah he thu hi sawiin Pu Modia chuan tunlai khawvel buaina leh harsatna thleng mek chu a ngaih thutak thu a sawi a. Covid hrileng avangin khawvel a la indinthar famkim lo a, ram leh ram innghirngghona pawhin Global South ramte hmasawna tura harsatna a thlen a ni a ti.

Pu Modia chuan heng ram hmasawn mekte hian sik leh sa inthlak avangte, hriselna, food security leh energy security lamahte harsatna an tawk a ni a ti bawk. Heng bakah hian Prime Minister chuan firfiaka chetna, leh inlakhanna te chuan khawtlang nun a tibuai a ti. Voice of the Global South Summit ah hian thawdhona tur hrang hrang, harsatna leh khawvel thilthleng pawimawhte an sawiho dawn a. External Affairs Minister Dr.S. Jaishankar chaun Global South ramte chu tangho tlat turin a chah a ni.

<><><>

LEBANON

Israel thlawhnaten Lebanon chhim lam an kahnaah mi 10 an thi. Thudawn danin Debatieh district-a mihring chenna inte tukin khan Israel thlawhnate hian an kap a. Lebanon sipaite sawidanin Civil Defence leh Islamic Health Authority te chuan bulldozer leh crane hmangin inchim karah chhanchhuah hna an thawk a ni.

<><><>